

آبونه شرائطی : هریر ایچون
 سنه لکی (۴۰۰) آلتی آیلمی
 (۲۲۵) ممالک اجنیه ایچون
 سنه لکی (۴۵۰) ، آلتی آیلمی
 (۲۵۰) غروشدور .

نسخه سی ۷,۵ غروشدور .
 سنه لکی ۵۰ عددور .

اداره خانه : باب عالی جاده سنده
 رشید افندی خواننده

اخطارات

آبونه بدلی پشیندر .

مسلكه موافق آثار مع المنونیه
 قبول اولتور . درج ایدله یین
 یازیلر اعاده اولتماز .

الکمال

آدره من تبدیلنده آیریجه
 غرووش کوندرملیدور .

مکتوبلرک امضاری واضح
 و او قوناقلی اولسی و آبونه
 صره نومروسی محتوی
 بولونمسی لازمدر

ممالک اجنیه ایچون آبونه
 اولانلرک آدرس لرینده
 فرانسزجه یازلمسی رجا اولتور .

پاره کوندردلدیکی زمانه نهیه
 دائر اولدی یی بیلدیلمسی
 رجا اولتور

اتبعون اهدکم سیل الرشاد

صاحب و مدیر
 اشرف ادیب

باش محرر
 محمد حاکف

والله یهدی من یشاء الی صراط مستقیم

یکی آذربایجان نسلرینی تورکجه بی اوقولایماه جق طرزده یشدیریور . دیگر طرفدن برملک وارلقی پاید شی اوملتک ماضیسی در . ماضی بی لیلدن نسله نقل ایدن ده لسانی ، تاریخی ، ادبیاتیدر . موسقوا حکومتی ایستیورکه مکتبلرده اوقویان آذربایجانلی چوجوقلر برطرفدن تورک حرشله قطع علاقه ایتسینلر ، دیگر طرفدن کندی ماضیلرینی اونوتسونلر ؛ ماضی ایله استقبالی بربرندن آیرمی ایچون لسانی ده کیشدیرمکدن ای واسطه اولوری ؟ موسقوا حکومتی واونک باکوده کی آدماری بو واسطه به مراجعت ایدیورلر . عجباً بواصلله موقی اولورلری ؟ بونی بزه یافین براستقبال کومستره جکدر .

بولشهویک اداره سنک روسیه ده نه کی تأثیرلر یایدیغی ، بواصلوک ای بی فنای اولدیغی مناقشه ایتمه یز ؛ فقط هر حالده شوراسنه امیرکه بولشهویک اداره ی مسلمان قافاسیا ایچون چاراداره سنندن ده اچیح اولمشدر . سوویت حکومتی ، سیاسی حدود ، سیاسی حاکمیت نقطه نظرندن چارلک امپریالیزم سیاستنه میال اولدقدن باشقا ، چارلک بیله تطبیق ایتمه دکاری فکری استبداد اصوللرینی قوللایورلر .

اهرام غزته سنک افتراقی

ایلری غزته سنک باش محرری یازیور :

آقرمه یوسف آقچورا ، آغا اوغلی احمد ، ضیا کولک آلب ، حمده صبحی وجلال نوری نه یاققله مشغولشلر بیلیمسکیز ؟ بواشخاص دیانت جلیله اسلامیه نك عرب قومنه منحصر ، یاخود لایق اولدیغی ایلری سورده رک قبل اسلام تورکجه مبعود (۱) اولان بوز قوردی بت اتخاذه چالیشیورلر مش ؛ اصلا لطیفه ایتیورلر . مصرده پک منتشر اولان (الاهرام) غزته سی بوحوادثی ویریور . حتی بوملورلر ایثی اودرجیه کونورمشلرکه تورک مبعودی بوز قورت پوسته بولارینک اوستنه بیله یکمش . . .

تورک مجددرلی هیچ بروقت اساسات دینییه تعریض ایتمه مشلر ومیلترله برابر حسیات دینیله لرینک تقویه سنه ده چالشمشلردر . الاهرام محرری اولان اشک حریف بیلیمورمی که جمهوریت اعلان اولدیغی وقت قبول ایدیلن درت ماده دن ایکنجیسی دیانت جلیله احمدیه نك تورک جمهوریتک دین رسیمی اولدیغی صد دنده در . احکام شرعیه نك تنفیذی تشکیلات اساسیه مزده بر عمده تشکیل ایدر . بوجهوریت خلقی نه قدار تورک ایسه اوقادار مسلماندر . تورک ملتک موجودیتی محافظه اتمک ایچون تجده قرار ویرمی ، اسلامیه منافق دکل ، اسلامیتی اعلا ایدیجی بر اشارتدر .

سیدالرشاد . — الاهرام غزته سی بر خرسیتان غزته سیدر . بزم حق مزده کی نشریاتی حسن نیته مقرون دکدر . ایلری غزته سنک دیدیکی وجهله ، دولتمزک تشکیلات اساسیه سنه احکا شرعیه نك تنفیذی بر عمده تشکیل ایتدیکی کی دین رسیمی ده دین اسلام اولدیغی مصر حدر . بناء علیه دوات جمهوریه مز حقنده کی افتراقی بزده کال شدتله رد ایدره ز .

بر اوقه دن آرزاقی طاشیانلر سربست

منع مسکرات قانونی موجبجه محکوم ایدیلن متعدد اشخاصک واقع اولان خطای عدیلدن طولای عفرلینه دائر اجرا وکیلاری هیئتندن عدلیه انجمنه کوندریلن تذکره لر اوزرینه عدلیه انجمنک تنظیم ایتدیکی عفو مضبوطه سی بویوک ملت مجلسنده برخیلی مناقشه یی موجب اولمش ونهایت حقو قشناسلرک وعدلیه وکیلک بیاناتی اوزرینه انجمنک مضبوطه سی قبول ایدلشددر . بومضبوطه نك قبولی اناسنده جریان ایدن مناقشات برخیلی مفیددر . چونکه کرک مجلسک برچوقی اعضاسی وکرک مملکت افرادینک هیئت عمومییه شیمدی به قدر هیچ

فرض ایتمه دیکی حالده منع مسکرات قانونی موجود اولسنه رغماً سربسته راقی طاشیانلیه جکی خصوصنده تنور ایتشددر . معلوم اولدیغی وجهله بویوکون هرکس منع مسکرات قانونی موجبجه ذره قدر راقینک طاشیانلیه جفته قائل ایدی . حال بویکه ، عدلیه وکیل سید بک درهم درهم راقینک نقل ایدیله بیله جکفی رسماً اعلان ویان ایتشددر . بناء علیه منع مسکرات قانونک موجودیتنه وشدت مندرجاتنه شیمدی به قدر سهوینیرکن بوندن بویله اوندن ده امیدمزی کسمک وضعیتی قارشوسنده قالیور . بوبابده مجلسده جریان ایدن مذاکره نك بعض اقسامی بروجهر نقل ایدیورلر :

سید بک — منع مسکرات قانونک تطبیق اتمه محکمه لر دن محائب مقررات صادر اولدیغی کوردم .

برسس — عجائب مقررات . . .

سید بک — سینی تدقیق ایتدم . یاچهلا ویا قصداً اولیور ، منع مسکرات قانونی یا شلنجه محاکمه تعمیمی لازمکیدی . تلغرافله تعمیم ایدلدیکی ایچون یا کلس واصل اولمش . مثلاً عدلیه وکالتی خطای عدیلری درحال تعمیره توسل ایدر . خطاه محکوم اولان قانوناً معصوم دیمک اولدیغندن بویکا چاره اولق اوزره عفو خصوصی ایستیورلر .

موسی کاظم افندی (قونیه) — یواوراقده کی خطانک سبی نه در ؟ سید بک — قانونده براوقه دن نقصان ایچون جزا کومستره مشدر . مواد جزائییه ده قیاس جاری اولامیاجغی ایچون بر فیه دن نقصان راقی نقل ایدن کیسه ایچون قانونده جزا تعداد ایدله مشدر . بناء علیه جرم دکدر . حاکم اوکا جزا ویره مز . جزا ویرسه کنیدیسه ده تجزیه اولونور . حاکم کندی آرزوسيله جزا ویره مز . قیاس ایدله جزا ویره مز . دییه جکسکیز که براوقه دن نقصانده جزا ویرلسین . اونک ایچون آیری بر قانون یا بکاز لازم کلیر . قانونی یوز درهمه ، یر درهمه تعدیل ایتمه دن منع ایدوب الله کی قانونله جزا ویرمه ک جواز ویرله مز . صراحة تعیین ایدله دن محکمه لر حکم ویرسه بشفه بشفه اولور . (کافی سسلری) «توحید افکار»

مقدسات وعظمتات دینییه رعایت لزومی

معارف مدیری اجنبی مکتبلره آتیده کی مصیب تعمیمی کوندر مشدر : « بعض مکتبلرده طلبه وطالباتک عادات دینییه ومیلرینه قطعیاً رعایت ایدله مکله برابر اسلام چوجوقلرینک خرسیتیانلق ذهنیتله تشدیرلرلی ایچون دعاظه ، کلیسا آیینلرینه اشتراک و اعزّه خرسیتیانیه نك تصاویری کوسلرینه تعلیق مجبور طوتلقلری کال تأسفله آکلاشلشددر . اسلام چوجوقلرینه قارش واقع اولان بو مامله نك حسیات دینییه اسلامیه تماس وتعلق ایتمه سی حسیله منع ازاله سی اهمیتله نظر دفته آلمش وطلبه وطالباتک مقدسات وعظمتات دینیله رینه تمامیه رعایت اولونمی وخرسیتیانلق عاداتنک مسلمان طلبه یه تشمیندن هروجه توق ایدلسی شایان توصیه کوندرلشددر . طلبه دین ومذهب اعتباریله غیر متجانس مکتبلرده هرطلبه نك دینییه ومقدساتنه حرمتکار بولمق هیئت اداره وتعلیمیه نك جله وظائفنددر . بناء علیه اسلام چوجوقلری بعدما غیر مسلم اطفال ایله کلیسالره کونورایه جک ودعاظه ودینی درسله اشتراک و دین عیسوی مقدساندن اولان اشکال وتصاویرک تعلیق وتحییلنه اجبار ایدلیه جک وجهه کونلرله وسائر اعیاد دینییه مزده مکتبه دوام مجبوریتنده براقلیمه جق وادای فریضه صلات ایتک ایستیان طلبه وطالباتده قطعاً عمامت اولونمایه جقدر . بونک خلافتده حرکت ایدلدیکی ثابت اولدیغی تقدیرده معامله قانونیه اجراسته توسل ایدلسی ضروری اوله جفندن کیفیت معلوم اولق اوزره تبلیغ اولنور .

شهراده باشی : اوقاف اسلامیه مطبعه سی